

## Información para a realización da “Avaliación de bacharelato para o acceso á Universidade” (ABAU).

### Materias obxecto de avaliación.

1. As probas versarán sobre as materias xerais do bloque das materias troncais da modalidade elixida e sobre a materia de Lingua Galega e Literatura, todas elas correspondentes ao segundo curso de bacharelato.

PARTE OBRIGATORIA DA ABAU			
Materias xerais do bloque de materias troncais			
- Historia de España II			
- Lingua Castelá e Literatura II			
- Primeira Lingua Estranxeira II			
- Lingua Galega e Literatura II			
Materias xerais do bloque de materias troncais segundo modalidade ou itinerario			
Artes	Ciencias	Humanidades e Ciencias Sociais	
		Ciencias Sociais	Humanidades
- Fundamentos da Arte II	- Matemáticas II	- Matemáticas aplicadas ás Ciencias Sociais II	- Latín II

2. O alumnado que queira **mellorar a súa cualificación de admisión** poderá examinarse dun máximo de catro materias, a elixir entre as materias de opción do bloque de troncais de segundo curso e as materias xerais troncais específicas de modalidade distinta daquela da que se examinen na parte obrigatoria da proba. Así mesmo, os estudantes poderán examinarse dunhas da opción lingüística (francés) da Segunda Lingua Estranxeira II distinta da que cursasen como materia xeral do bloque de materias troncais.

Modalidade de Humanidades e Ciencias Sociais		Modalidade de Ciencias
Itinerario Humanidades	Itinerario Ciencias Sociais	
Economía da Empresa	Economía da Empresa	Bioloxía
Grego II	Grego II	Debuxo Técnico II
Historia da Filosofía	Historia da Filosofía	Física
Xeografía	Xeografía	Química
Historia da Arte	Historia da Arte	Xeoloxía
Segunda Lingua Estranx II	Segunda Lingua Estranx II	Segunda Lingua Estranx II
Materias xerais troncais ESPECÍFICAS de modalidade distinta		
Matemáticas II	Matemáticas II	Latín II
Matemáticas Apl. ás CC.SS. II	Latín II	Matemáticas Apl. ás CC.SS. II

- a) As probas correspondentes a estas materias teñen carácter voluntario.
- b) Cada unha das materias das cales se examine o alumnado con carácter voluntario aos efectos de melloralasúa nota de admisión cualificarase de 0 a 10 puntos, con dúas cifras decimais. Considerarase superada a materia cando se obteña unha cualificación igual ou superior a 5 puntos.
- c) Para a mellora da nota de admisión terase tamén en consideración a cualificación obtida na fase obrigatoria na materia xeral específica de cada modalidade do bloque das materias troncais (Matemáticas II, Latín II, Matemáticas Aplicadas ás Ciencias Sociais II), sempre e cando a cualificación acadada na materia correspondente sexa igual ou superior a 5 puntos.

## **Cualificación das probas.**

1. Segundo o establecido no artigo 10 da Orde do Ministerio de Educación, Cultura e Deporte ECD/42/2018 do 25 de xaneiro, a **cualificación da proba de avaliación do bacharelato** para o acceso á Universidade será a media aritmética das cualificacións numéricas obtidas en cada unha das probas realizadas das materias xerais do bloque de materias troncais e da materia de Lingua Galega e Literatura, expresada nunha escala de 0 a 10 con tres cifras decimais e redondeada á milésima máis próxima e en caso de equidistancia á superior. Esta cualificación deberá ser igual ou superior a 4 puntos.

2. **A cualificación para o acceso á Universidade** calcularase ponderando un 40% a cualificación sinalada no paragrafo anterior e un 60% a cualificación final da etapa. Entenderase que se reúnen os requisitos de acceso cando o resultado desta ponderación sexa igual ou superior a cinco puntos.

## **Procedemento de revisión das cualificacións obtidas.**

1. O alumnado e, no seu caso, os pais, nais ou titores legais poderán solicitar ante a presidencia do tribunal cualificador a revisión da cualificación obtida nunha ou varias das probas que compoñen a avaliación. O prazo de presentación das solicitudes para a revisión da cualificación obtida nunha ou varias das probas que compoñen a avaliación será de tres días hábiles, contados a partir da data de publicación das cualificacións.

2. As probas sobre as que se teñan presentado solicitudes de revisión serán corrixidas en segunda e no seu caso terceira corrección por docentes diferentes no prazo máximo de cinco días hábiles, contados a partir da data de finalización do prazo de presentación de solicitudes de revisión.

3. A solicitude de revisión da cualificación poderá facerse mediante **dous procedementos**:

a) **Procedemento de reclamación**. Neste caso quedará excluída a posibilidade de solicitar a segunda corrección. Os exercicios sobre os cales se presente a solicitude de reclamación serán revisados por

un profesor ou profesora especialista distinto ao que realizou a primeira corrección, co obxecto de verificar que todas as cuestións foron avaliadas cunha correcta aplicación dos criterios xerais de avaliación e específicos de corrección, así como a comprobación de que non existan erros materiais no proceso de cálculo da cualificación final.

A cualificación definitiva da materia será a que resulte desta revisión, sempre que sexa superior á outorgada despois da primeira corrección, agás nos casos de erros de suma, en que a cualificación será a que resulte correcta.

**b) Procedemento de segunda corrección** dos exercicios en que se considere incorrecta a aplicación dos criterios xerais de avaliación e específicos de corrección e cualificación. Os exercicios sobre os que se presente unha solicitude de segunda corrección serán corrixidos por un profesor ou profesora especialista distinto ao que realizou a primeira corrección.

A cualificación será a media aritmética das cualificacións obtidas nas dúas correccións. No suposto de que existise unha diferenza de dous ou máis puntos entre as dúas cualificacións, o tribunal efectuará, de oficio, unha terceira corrección. A cualificación final será a media aritmética das tres cualificacións. Este procedemento deberá efectuarse no prazo máximo de cinco días hábiles, contados a partir da data de finalización do prazo de tres días establecido no número 1 desta instrución.

Sobre a cualificación outorgada despois do proceso de segunda corrección establecido na alínea a) poderase presentar reclamación ante a CiUG, no prazo de tres días hábiles, contados a partir da data de publicación da resolución da dobre corrección. A cualificación definitiva da materia será a que resulte desta revisión, sempre que sexa superior á outorgada despois da segunda corrección.

c) As solicitudes de reclamación e segunda corrección poderán presentarse no lugar de entrega e recollida de documentación (LERD) no cal se entregou a solicitude de matrícula para a proba de Avaliación de Bacharelato para o acceso á universidade, empregando os impresos específicos contidos nos sobres de matrícula, ou mediante o procedemento telemático establecido pola CiUG (a través da aplicación informática NERTA).

4. O alumnado e, no seu caso, os pais, nais ou titores legais terán dereito a ver as probas revisadas unha vez finalizado na súa totalidade o proceso de revisión establecido neste artigo, no prazo de dez días desde la notificación da resolución de revisión e segundo os termos do artigo 15.5 da Orde do 24 de marzo de 2011.

5. Unha vez finalizado o procedemento de revisión adoptárase a resolución que estableza as cualificacións definitivas e seralle notificada ás persoas reclamantes, segundo o disposto no artigo 15.6 da Orde do 24 de marzo de 2011 contra a resolución adoptada pola CiUG, que porá fin á vía

administrativa, poderá interpoñerse recurso potestativo de reposición no prazo dun mes contado desde o día seguinte ao da publicación ante a propia CiUG. Neste caso non se poderá interpoñer o recurso contencioso-administrativo mentres non se dite resolución expresa do recurso potestativo de reposición ou se produza o acto presunto.

IES Becerreá